




説

鈴

14  
347  
7



門名呂  
號347  
卷87



滇行紀程

雲間許纘曾鶴沙著

猪婆龍

彭澤縣十里過涇江口鎮俗云鱗魚嘴土人言此地每歲有猪婆龍為害天寒水涸輒崩岸壞屋虛今舊岸已在大江心泊舟者油物煎於龍即出舟人切戒之夏月則不忘也

甘興霸廟

自九江百一十里過富池入楚境二十里過田家鎮有吳甘興霸廟順治年間有史官莊回生典試楚省夜泊廟前夢甘將軍來拜訪索莊一僕一馬皆所愛者夢中不得已諾之詰朝僕馬俱斃地有神鴉往來江上帆繡過此不拘餅餌粒食撒空飼之群鴉飛舞

說於滇行紀程

接食百無一墜食畢間有集舟橋之沙送水廟境俗謂將軍遣使  
送客其聲啞啞類慈鳥上下三十里皆有之亦一奇也

異僧祈雨

澧州守道蘇叅議寶言荆有僧故江南人禮境有桐家河界中苦  
旱僧自言能行雨衆延之祈數日不效乃絕食欲積薪自焚土人  
恐扶之去僧曰姑畱得雨即行矣土人不可阻行曰月望日必雨  
我雖去請畱一驗是日當大雨尺餘雷始發必先擊其大樹方為  
我所請否則非我功也至十五日果大雨盈尺雷果擊此樹如僧  
言衆始神之雨竟雷伯電母不能去或焚牛牢或燒民舍轟聲走  
繞不休衆大懼奔至州復延此僧遣雷雷乃去

崔婆泉

過常德府三十里高吾山山下有崔婆泉相傳有崔婆釀酒飲仙  
人張虛白處

漳江夜月

桃源漳坊舖有勸善寺寺前漳江夜月為桃源八景之一傳聞江  
上漁人常于晦日見水底映月著意窺之即不見

桃花潭異龜

由桃源山攀蹬而上至桃花洞又曰秦人洞石壁峭立洞口縱廣  
丈餘洞外有瀑布千尺挂絕壁而下瀉潭中潭在洞門外深不可  
測內有潛龜身長而窄鉤吻類鸚鵡背生鬚尾帶甲如龍鱗名曰  
黃靈

農家取水

過辰陽船溪驛此站稍平溪邊見農家取水灌田巧而且透其法  
先于溪旁築石成隘上流水至隘勢極奮迅乃設竹車二圍製如  
車輪大可二丈縛數節竹筒緣于兩輪其筒向內一面截口受水  
每筒相距三尺許兩筒中間編縛竹板一扇以遏流水所以激輪  
使旋者全在此蓋水勢迅則衝扇行而輪乃隨之以轉每激一扇  
後扇總束旋而上升則筒中滿水已至車頂筒口向下水即下傾  
于其傾處刺大竹受之接引入田雖遠可到所謂農者坐而觀之  
無舉手之勞而田已畢溉矣大江以南水勢平衍不可用也其有  
潮汐之地似亦可做而為之

凌霄女

沅州火神不祀祝融而祀凌霄女一不虔則神女立遣火鴉銜火

凡置茅屋之上兩翅扇風發火居民屢屢見之故州多火災

江西橋

由沅水驛向西過江西橋橋長半里上鋪大板下有十六洞每洞  
基上構木為屋列肆貿易兩旁成市中為長街入楚以來此橋最  
為弘敞

香稻

清浪衛前臨江後包北山地勢平行居民亦稠其地產香稻圓實  
而大味亦至腴山中多寒所莪多種禾故滋本深而含實茂

諸葛洞

過鎮遠府可游者有大石橋中山寺中元洞僧寮精舍最為異境  
辰沅小舟至此而止前去數十里有諸葛洞內頑石為橋通水不

通舟順治初年洪經略至此役于夫鑿河中石謂此洞一通便可  
用舟饋運直至偏橋衛有負擔之勞若鑿如得石隨鑿隨長乃罷  
土人有運糗糧者盡去其船之邊板幸放入洞過橋橋可達黃平  
州其出也稍不戒則人船俱沒

黔米

貴州各屬產米精絕盡香稻也所釀酒亦甘芳入妙楚中遠不及  
而天下未有舉為褒譚詳志之以告好事家之知有黔也

仙蹟

平越府南門度石梁過南街道旁有高真觀為張三丰仙師道場  
從此向西南行曰卓筆山稍西上高坡曰倒馬坡坡半見隔山石  
壁如屏懸崖千仞壁上有仙師影首戴華陽冠側身杖策而行分

明可見其旁刻神雷宇宙四大字云是仙師雷記為海內靈蹟三  
丰祠在平越府城內有禮斗亭亭前石池名浴僊深四五尺許冬  
夏不涸池旁有桂樹已久枯有道人來浴池中以破衲掛樹上樹  
復活天啟元年夏駐鎮新添司理李若楠請鸞降筆書一詞曰禮  
斗亭禮斗亭張仙借此作修真日月懸頭上風雲過眼塵茉莉元  
君支天聖人當年曾格我精誠今朝列仙班頭化通靈敢忘了託  
跡玄津偶聞父母索吾名聊借俚言為鏡今有石碑存祠中

竹鬼祠

平越有竹二郎竹三郎祠廟土人敬祀之

水西四府

水西安氏素築營為滇黔大志本朝已巳令師率師深入其地討

平之遠置四府設流官水西一帶土地盡入版籍安民之桀者皆就穢邇來苗民漸染華風亦猶蜀播之楊氏滅而設邊義今反為樂土也

### 貴陽地勢

自貴陽而上至威清衛日加隆峻右畔青山尖頂若數點芙蓉可俯而捫從來見雲霞之狀如畫中之樹高而不同至此衛館舍西南一望羣峰矗立白雲千頃如在足下變幻百出或如沸湯或成堆壘昔之所稱為車為布為輪為馬為牛皆不足以狀其妙蓋俯視則雲氣之全體皆見怪怪奇奇無所不備也

### 苗種

貴陽自阿江哨而上大道如髮乃屬漢其左右高山內盡為苗穴

然皆輸糧赴差如齊民其種類白苗黑苗花苗不一直北百里即水西地威清衛鎮彝舖西南有山黝遠可望不可即曰銅鼓山昔諸葛南征獲銅鼓于此其地亦有農居仲家苗多從山口出入此山前後左右苗種各別又有蔡家苗農家苗皆有頭目仲苗則屬役于安民

### 黔馬

黔中多產良騎質小而蹄健登三三三君平地故水西之駿滇黔多貴之

### 何福遇仙

順治年間有何福者夔處清江人將陰崖逢二老圍棋從旁看不休一老者分半桃食之福歸家絕烟火處分家事隨上山養真

三十年不食人間一粒粟不飲人間一勺水一日道成康熙年間  
忽尸解去

### 白水鋪

由鎮寧州之安莊衛西南行五里有觀音洞中安大士洞中又有  
洞石乳溜滴成柱大數圍擊之一為鐘聲一為鼓聲從右直上又  
有雙明洞旁又有一洞極小而黑極境界之奇矣十五里至白水  
鋪行未里許見瀑布如簾倒懸石壁羣峰直上高入雲表五里白  
虹橋橋上瀑布更飄三四折入溪疾度橋下而去過橋後溪行忽  
聞有轟雷聲不息與人云此望水亭泉聲也又五里上望水亭龍  
湫直下白練千條噴珠卷雪注入百尺綠潭雖天朗氣清而激水  
瀆濺如行大霧中數里以前所聞雷鳴者蓋在此里人云潭內有

水犀風清月皎之時往往水見其龍湫挂處內有水簾洞甚深窅  
不可窮土人多入此洞避兵昔孫可望至此亦見水中有神物乃  
改瀑布于右澗下後人屏水索之而潭水絕深數日不可竭乃止  
神龍老虎

苗民無城郭或三十家五十家據險而居以防戈獲每一處合募  
一勇士號曰老虎飲食時奉有小馬戰則老虎當先指揮調度合  
諸苗計之為老虎者不知其幾千百也

### 綿竹 啞泉

關索嶺之半有伏魔大帝廟廟在臺之上臺下有竹絕奇名曰  
綿竹俗曰藩竿竹圍大如青松僧云六七月方抽筍至來春二月  
方布葉時當九月筍已高四尺尺外黃內綠尚未解箨也廟門外

有啞泉昔孔明南征軍士誤飲此水皆啞後人封之以石今泉脉  
閉矣廟後有泉頗甘美謂之磨石泉絕頂祀順忠王俗稱小關王  
廟廟貌甚偉苗却俱畏威德入廟者無不拜

### 關索嶺考

世俗謂前將軍第三子曰關索從諸葛丞相南征孟獲威勛甚盛  
沒而民思之立廟于此以其名名嶺未考何代勒封義勇英武威  
烈感應順忠王考三國志前將軍有二子長曰平次曰興平與前  
將軍俱被害于臨沮次興為丞相所器重任侍中嘗監軍有令聞  
無所謂第三子名索也陳壽作三國志深習蜀事安有前將軍令  
子且有震世功而失其名者甚至有丞相不察投軍自効語益屬  
不經或曰諸葛謂父為索猶言關父猶岳忠武之稱岳爺爺也然

伏魔大帝與順忠王鑿然兩廟並峙則春秋之受羊豕享王號者  
得非其次子名興者歟興既為丞相所器重且監軍則丞相有大  
征伐或領護軍建偉績以震懾諸蠻理或有之謝肇淛滇略云漢  
昭烈章武元年以李恢為庾隆都督隨丞相亮南征大破蠻兵功  
最多封漢興侯時左將軍之子索亦有戰功開山通道常為前鋒  
未審所據何書又諸葛元聲滇事紀略云建興三年五月武侯渡  
瀘水進征益州從征自趙雲魏延外如張翼王平句扶及雲長少  
子關興即關索尤以驍勇前驅多建奇功觀此則從前臆揣若有  
符合又考雲南通志路南州北亦有關索嶺以其險峻必引之以  
索而後能度此又一說也存之以備討論

西流水



頂站即永寧州地穹窿無極去及不遠山頂在雲霧中濃陰成雨  
終古不晴秋月重裘奇寒微嘗州守林華院云此地水西流矣山  
勢崎嶇險惡站前後數十里驛騎到幾甚多道旁僂卧臭穢逼人  
諸苗見之輒解所佩七者到也入懷喜動顏色

### 盤江鉄索橋

盤江水出烏蠻經七星關奔騰至黃土坡五里疾下東南至廣西  
泗州而入南海江廣三十餘丈水深無底左右石崖廉利如劍戟  
自昔濟此者用渡船行駭波十一不戒輒葬魚腹古法必樹杙于  
兩崖貫之以索憑索曳舟乃得橫渡所謂狀戎是也狀戎即  
牂牁故遂  
以名江楊慎牂牁即貴池也其江水迅疾難濟立兩杙于兩岸中  
以繩繩之舟人循繩而渡于過其地見盤江與崇安江皆然嘉隆

以前俱用牂牁濟無有砥建橋者天啟初水藺首叛滇黔道絕特  
有安普朱監軍通建議築橋以通滇先于兩岸築石墩高一十三  
丈有奇寬亦如之鎔鉄為扣聯扣為索索三百餘扣扣重十八九  
觔索凡三十綆貫兩岸石窟中索上橫鋪巨木蓋以大板石貌水  
犀之屬為橋鎮者悉備焉人以索末所餘十餘丈盤繞鞏固費金  
錢巨萬起工于崇禎元年正月落成于三年十一月此所謂鉄索  
橋也自流寇變亂僅存鉄索數條順治十七年督撫會題得請發  
帑重脩飛梁架木狀若金閭予橋康熙二年六月江水大漲橋復  
壞又請帑金重建旋脩旋圯康熙七年十一月安順府知府李彭  
二人前後督工鼎建如十七年製而堅固高聳仍用舊索繫繞以  
防搖撼橋上起板屋以避風雨遠望空中樓閣橫亘江心惜無作

圖以記之

貴西苗種

貴西苗九種種類各別夫約垂髮垢而語言與黔人不同以青布帕裹髮高盤額前所佩匕首終其身未嘗解無繁布雖大寒亦止披破氊一片或大羊之皮衷廣五尺許風從左至則披左肩風右至則披右肩或掩于胸或負于背皆視風所至居高山大箐中不產稻唯食苦蕎雜糧貪悍輕生跌足走險易于為亂雖飢寒迫之亦由漢人欺其愚而侮之太過忿激而成也

矇瞎

黔中苗人稱天子為京裡老皇帝稱大小官府皆曰皇帝其私稱官府則曰矇粵西稱官曰瞎稱官府之僕從皆曰老爺各衙門

曰朝廷矇瞎之稱殆春秋一字之譏歟

衣服飲食

苗人多衣草衣婦人以筒布為裙以荷葉包飯澗水澆而食之以蘆管漬酒飲之謂之竿兒酒呼生為<sup>戴平</sup>雞

打牙伢佬

苗種有打牙伢佬其至尊者用銀接鳩<sup>佬</sup>

流官 趕場

苗人呼漢官為流官甚畏懼之市上市為趕場

苗錦 金星石 陽山茶 水銀 硃砂

黎平多苗錦思南有金星石斷研甚佳陽山茶純類松蘿土產水銀硃砂

歲臘

苗中歲臘有以十月十一月者迎春多扮故事珠怪奇俗用難卜吹蘆笙賽神打鼓為戲

石花

黔靈山中四月內石生花如雲霞燦然人多往觀之

男女婚匹

女兒未配者攜竿于野男子未娶者簪花為號每晚食後打鼓聚會謂之跳月未婚匹者任其淫奔女人銀釵垂耳以馬尾為髻

同年

安南至新興所沿路多煤山然所產不及京師自關嶺至此層累而上絕無平地凡岩壑左右苗類甚繁與徒力役皆苗也每與夫

一名父子兄弟皆隨之互相更代以均其勞疾走若飛鳥漢人戲稱之曰同年則儼然色喜不知其何所取義聞呼踴躍也

氣候

自平彝而上過滇南省城歷大理永昌騰越地益高氣益熱四時草木不凋花果皆先期一兩月或兩三月至期復有之如桃李秋冬吐萼臘月間花實並見及春爛熳如故諸草皆然邊城屬邑瘴癘傷人未嘗不因氣熱之故有以異於中余九月抵任具詞致告闕廟見廟中蜀葵應木樨並開一為甚異及至館舍則薔薇木香錦葵等花俱發是月抵省後建蘭木仙茉莉及紅梅桃李同時爛然萬里之外物候之奇爾自驚心類如斯矣

青溪洞

由衛城入境五里有精溪洞洞一廣延數丈上有臺石乳下滴  
成柱再入則燃炬而行石底石凡備為舟人王許旁有石縫僅容  
一人盤屈而升天然有室為門戶土人言為窟子餘里通紫泉洞  
然幽秘查真不可入矣及出瓦甍入有一洞上有石鐘鼓形宇宙  
靈奇無所不有高山大川之間若此洞者又為可勝紀哉

毒泉碑

嵩明州塔山其石自麓至頂蒼翠俱奇鉄石天台萬馬渡不及也  
前行有毒泉碑相傳有奇樹生于此名曰白鶴香每歲花時各山  
毒蛇鳩鳥皆集樹下泉流其旁人飲輒死今樹已伐行者猶相戒  
焉

滇行紀程續抄

康熙九年十一月二十五日續

陞辭赴雲南按察司任由會同館起行十年正月朔旦次河南永  
城三日次南宿州憶年卯年續會以史官得請于朝馳驛省  
親道經於此遇烏鵲者十研白及相向為年所養七人彎弓力  
敵遂殺賊三人生擒其賊無敢問守過者二十年矣城東耆老  
猶有侈談往事類而問為有魂思靈其靈也  
蕪湖北岸為壕磯土人云其地為二里二十五里曰靖子磯  
磯上有城楚宮修竹管吹香麗相尋云春時吳曾筑大城屯兵  
拒左兵處也

從馬當山二十里過水山山峻秀方為江西

之彭澤左為紅面之石松葉下林亭上公之... 相聞長江  
一奇景也

黃州起行不數里... 昌者是也武昌今大馬路... 載赤壁鏖兵在嘉魚以上距黃州西百里... 黃州乃赤圻非赤嶺本和孰是

過應城百里曰觀音崖崖即京山之枝... 浪波疊僧人支架度成佛殿尚有餘... 株大百圍生崖中色榦與石無二而其枝葉... 宇可數畝蔭所謂枕柳木也殿外東隅有娑羅樹一株亦大百... 圍去娑羅二丈許又有柳樹一株大亦適等其根榦輪困離奇

細葉卷翠不可名狀山下石碑刻百丈泉三字書法甚穠壯旁  
款曰劉崙書而其泉乃在山上

安陸州蓋明世宗潛邸至今王城故址猶在... 設興都雷守司如鳳陽故事南城雉堞樓閣... 郡故為郢中楚子自荆遷郢乃僭王號其國... 姬楚實盡之則渡漢都郢以換事也

漢江之西有莫愁村盧家女名莫愁... 土人曰村在萋草中莫實其處... 余過三尖山口百頃鋪菜... 一合閃閃如燈土人... 荒謂之...

自荆門出南城有觀一... 虎... 今廢十五里

曰新市鋪關廟舞臺其增者有唐二二此二謂青龍偃月刀  
者雷廟後蓋先主借荆州取荆州之計可將守鎮其地新市之  
野則建立壁畫也

自荆州至澧州分兩路人乘舟至澧者十月至三月從東路公  
安縣接應而進至澧州四月至九月由松滋縣接應而進  
至澧州此湖南更定郵制也時當夏秋之交由松滋行至蓮花  
蕩口泛小漁舟打兩槳入蓮花灣盤旋數十折總不出蕪荻菱  
芡中舟人皆捧菱以嬉久之方出湖方知此湖中有洞天  
凡京師入滇者由河南南陽府出新野入楚境歷襄陽荆州而至  
常德由秦晋山左入滇者亦取道南陽至常由西蜀入滇者陸  
路一出建昌衛一出遵義府若舟行則下夔門過江陵而至常

由吳楚豫章浙閩入滇者水路則溯長江度洞庭而至常陸路  
則取道漢口歷京山孝感安陸荊門而至常唯百粵與滇黔接  
壤或由黔省安籠或由滇省廣南俱可直達昆明由水路出洞  
庭者仍溯常而上蓋常為京省水陸必由之戶故官游賈客入  
滇黔者多寓家于此云

由常德水路至鎮遠者於西門覓舟至者曰辰船容二十餘人舟  
至辰沅而止小者曰舫船容三四人可派五竅直達澧水逆流  
牽挽層累而上計程僅一千二百里離多石險一月方達且  
辰沅一路不設驛驛故乘傳之使或僅者居多焉  
由桃源縣西行二十里即進山峻險以移高下不一路皆山矣  
五里至白馬渡溯沅沿山而前至歐空徑右挾嶽徑即道書所

稱白馬浪走之天渡江登嶺折下平曰五里過桃川鋪渡小溪  
折而南過仙徑亭乃入桃源山山四面有洞曰桃花洞又曰秦  
人洞攀磴而上至洞口石壁峭壁巖穴餘洞亦有瀑布千尺  
挂絕壁而下雖久旱不絕焉亭中行里許伏地不復見又北行  
三里與桃花溪合流出大江潭在洞門外深不可測循洞而下  
有石橋橫跨兩山俗謂之遇仙橋其初駕石懸成危傾欲墮歷  
千百年不知所始近世重修竟失其舊橋時多產方竹虎鬚蒲  
黃精等藥相傳洞門罕闔非敢近代有中丞郭某者來游見一  
童子持香出迎即乘雲冉冉去郭嘆曰此仙境宜秘乃壘石扃  
之今洞門如故但有紅籠碧籬終古長封陟山半有桃川宮萬  
壽觀即邑人黃洞源修真處有弟子為辰谿翟童童仙去洞源

東游茅山復見童謂之曰吾將忘東海矣次日亦羽化今觀前  
有摩頂松為瞿童冲舉之樹旁有煉丹臺臺下有淪池池皆其  
遺跡桃川後臨大江之濱曰桃花溪新亭又靈風窅然為漁  
郎鼓棹處稍上又有纜船舟即出大江為桃源後洞洞有門高  
不數尺踞沅江之許今前遂稱洞盡處孔道矣或云漁郎即黃  
道真後道成八仙故此地人名靈仙之府自高彭澤桃源行後  
唐王右丞劉賓客作祓禊詩皆云雲中雞犬豈字靈宅皆以秦  
人洞為仙窟矣韓愈禱而非之再日之外何所不有並存於  
人間可也

辰邑山溪最為奇勝自船溪至邑四十里一壑巖石林立態色之  
妙彷彿太湖靈壁車馬都從石罅間行或高如削壁或砌如欄

堦或如馬馳虎踞或如舞臺奇處或如樓閣或如烟雲種種  
漢居民皆藏石瑪中短竹成行瓦烟身從風卷散似朝川圖  
中北垞意景至如辰陰城四面俱石骨奇擊謂之五城山楚  
威王使將軍莊璠定楚中東九山築城是也城南一帶則有  
石屋巉空臨江數仞與漢臺為鄰為吐吞光出人耳目之外  
明制萬曆中設偏沅衛門以禦蠻夷每歲沅州半年駐偏橋關為  
黔楚重鎮近為言路建議割湖南之府并柳靖二州設湖南巡  
撫駐長沙置藩臬而偏沅遂廢舊署之東舍有古栢纓絡垂絲  
翠色可挹數百年物也州治元妙觀中有唐明皇像治銅為之  
相傳天寶中上方所頒也

倒馬坡之巔曰武勝關土名上馬營五里穀子舖十里酉陽舖十

里至黃絲舖設腰站此地俗近苗彝女德不戒而黃絲舖為尤  
斯夜即之桑間濮上也

貴州省城明初設貴州宣慰司至隆慶中改貴陽府環城九里七  
分自南至北街道甚闊市肆咸聚從來談者皆謂滇南重地而  
取道于黔中一綫設黔省城為通滇計蓋明時二百年中黔常  
多事不及滇雲之盛近則黔地漸安蓋漸開矣

貴省城西隅有土著老人集姓十五姓其安久向與流官中分而  
治以城中十字街為喻而為三城三城屬流官故府西一帶舊稱  
老苗城天啟中與守土臣三三三三三三三三三三三三三三三  
攻省城自天啟二年二月廿三日三三三三三三三三三三三三  
鳴援兵至乃解圍後未幾是二二二二二二二二二二二二二二  
瓦冷 恒行



城謂之新城以護城外居民。建於天啟四年周九里三分自  
孫可望由蜀出黔乃大築省城。撤新城石為之新城乃毀廢。  
安順府元為習安州明為安順州今府城圍九里圍市宮室皆  
弘敞壯麗人家以白石為牆壁石片為瓦估人雲集遠勝貴陽  
昔嘗議立省會于此因耕土糧重不及貴陽故舍此從彼今移  
提督駐此以鎮盤江附郭有普定衛明初設普定軍民指揮使  
司以襟帶三州其權甚重故黔黔民但言普定而不知安順威  
之所懾久矣

馮時可滇南紀事云滇中日月星辰視他處較大糸至此見太白  
一星光芒輪廓果覺有異

鐵索橋今為入滇要路然順治庚子入滇之師從水西紆道潛度

初不由此橋道旁有石壁題曰在德然哉然哉

由普安向沿山麓行少頃即上雲南坡險仄迢遞將及顛名龍擺  
尾者險絕難行凡六十丈又最上為江滄口始陟頂此處斷崖  
成徑峻滑不可走足過一。處又西上為避陰坡凡此三險總  
曰雲南坡又三十五里至。坡十里娥娣坡此二坡亦高而長  
又十里至亦資孔其舖。婦當壚招客其為桑間濮上猶黃  
絲舖也又四十里上坡乃八鎮境上有石龍古寺今廢但存觀  
音院及關聖殿左右有兩坊一曰滇南勝境一曰彩微雲衢  
計江南鎮江府逆流而上歷全楚訖沅江至鎮遠水勢如建瓴則  
黔省已在最高處又從鎮遠至滇南所過諸山皆拾級而上間  
有下坡然較之上坂十不及一且及至平暴望貴州如在釜底

向之所歷諸峰參天蔽日者皆崎嶇石塊之則其之高更不待言矣

夜觀北斗訝其甚低今考此意北極出地四十度江南北極出地三十二度雲南北極出地二十四度則北斗之低也宜矣地高則風勁故曰貴州無日不雨雲南無日不風風多揚沙後木然風每從西南來尚未詳其故謹識之以同識者

東還紀程

分水崖

滇洱海葉榆水一名西洱河東岸有分水崖巖如斧劃漁人謂自崖下分水為兩界南為河北為海賊淡不顧河魚不入海海魚不入河游至此則返魚族類頗多現他水所出更甚冬卸甲子諸郡魏武帝四時食製曰滇地卸魚至冬極美海濱有石穴八九月產油魚人謂水賊故肥河尾處也鱖魚皆魚族之至美八月望夜洱海正中有珊瑚樹出海面魚小位種見之世傳海龍獻寶內典云珊瑚撐月此世外事不可以意凡度其有無也冬月海風水面起大高致大莫知為故島象田澤中有大草海賦云陰火潛照豈其事歟

金蝦蟆

雲南永寧州城外有曹溪寺殿左右各有一泉西泉稍大水從地底湧出東泉止澗七八尺長丈許深不及尺有小龍王祠泉口鑿龍頭泉從龍口噴出潮至則水湧地龍首燈溢流注每日或三次謂之聖水三潮然亦有日不至或一二至者水中有金蝦蟆時時小許過客見之以為佳瑞寺對河有湯泉楊用修題為天下第一溫泉也

信天翁

信天翁水鳥也食魚而不能捕魚日夕立水次俟魚鷹所得偶墮者拾而食之藍廷瑞詩云波上魚鷹貪未飽何曾餓死信天翁

六月廿四年節

雲南馬龍州六月廿四為年節是晚婦女俱戴燈炸屋謂之照歲焜燿如同白日夫家小戶俱感陳酒饌合家歡樂名為過年

黔中溪洞

黔中溪洞名勝甚多如龍洞及德閣諸名勝兩大洞俱在山登鎮遠府東山屋中和洞青龍洞及德閣諸名勝兩大洞俱在山頭其曲穴交穿不礙飛秦塔中和又名中元洞內祀木士山在城內下泗長流高架虹橋城面岸巖巖連三十餘里有華嚴洞天然石洞冰乳倒垂曲折而居五丈之內有天生大士及羅漢獅象形狀洞臨道旁觀者驚歎石之雄奇橋三十里有飛雲嶺嶺臨道旁似洞非洞其石勢嶙峋雲霧為巒雲舒卷風前飛騰可愛巖前峙怪石數峰峰頭盤玉亭一三山下清流繞長橋橋邊即月潭古刹也去清平縣十里詩有雲霞洞中人號久峰洞洞深澗約數

犬旁穿小穴甚多明明了洞焉委蛇而入探約八九里燃薪秉燭方能入然亦止行里許其六七里許一孤木塞洞天矣白水河在鎮寧城南懸崖飛瀑數十級嘗暮寒其下真大觀也再過難弓背關索嶺山勢上下相連周百餘里山頂有閣索廟于前有關索嶺考今碑碣尚存晉安州縣晉書石任峻嘗下冠深澗再過軟橋哨高峻盤登約三十餘里中有新羅殿爲其陳如管塔其上又至狗腸坡半山盤折約二十里黨壁山在縣西由晉安即古夜郎地也

餓鬼洞 惡灘

黔中灘洞險惡者極多而餓鬼洞灘水尤大險惡浪與舟相觸滾滾直入艙中多方掩拒衣被鮮不淋漓矣惡灘更惡之甚也灘長里許浪大而石險舟行少不戒輒破碎淪溺

號石 蝎子花

黔省山罅有號石山谷多蝎子花

千卷書

由平溪行江右一帶石質如疊雪每石不下幾千層方如書帙高下狀若充棟沿江不一而足各名其地曰千卷書

藏書室

辰溪縣左岸稍西有巨石外貌雄雉而虛其中曰鐘鼓洞洞中有藏書室相傳穆天子藏書處正統中樵父入石室見書報縣縣令往取之書皆隨風飄滅無存也嘗有大酉山禹穆天子藏書處而沅陵之小酉亦稱藏書處一曰小酉即大酉之後門然實無據

沉香船

沅冷 木橋北 橋

楠木洞稍前絕壁之上石縫中有船長可八尺其俗稱仙人所置  
沉香船也古人置船于石及之上噴於之中其處不可解以愚  
見測之前從軍西蜀時見其洞者洞在懸崖屋上廣而下削無  
策可登乃製小船繫以巨索從屋懸而下與洞相對乃破之此  
地石崖構木比比而是若其宮亦此屋之類即後來破屋之船也  
今瀘邑亦有林機岩岩中有一柱一殿林與機亦載人之具也  
請以資之識者

沉香棺

常德倒水岩仙蛻石石皆壁立水濱迤邐高廣上鑿石竇者十下  
臨絕壁內一竇中藏木椁五舊傳為沉香棺土人云水漲時健兒  
引繩而上棺朽遺蛻尚存舟人戲以竿掠之雷歎怒擊亦未知何

代所留曩從軍夔門時有風箱峽者數似絕壁中疊置木匣如風  
箱者甚多仰望色如朽木較棺形則小其景象頗相類也

武陵娘子

高唐神女  
辰常之間人多尚鬼祭必巫覡如雜錄所載九歌名號稱神稱鬼  
不一而足所謂習俗移人賢者不多故祀典所不載而廟貌翼然  
者比比而是如蠡山廟祀越相而山畔得有武陵娘子祠云乃大  
夫之妻載在府乘得非謂蘇臺歌舞唱其有功當日黃金鑄像魚  
及若耶丰度耶大抵千百年後傳述者少傳訛者多如巫山神女  
廟今古相傳盡以為襄王香艷事其始也本于高唐託賦後世文  
人墨客遂從而稽矣二德皆分落西面時巡履其地于荒烟蔓草  
中得碑丈一通所謂神女者為大禹導江至此江流不行神女疑

所傳九授禹玉篆靈符及治不文至紅木乃亦彷彿如桐柏山巢  
天玄女祈故事明時有知仰史基延撫四川奏毀淫祠神女亦在  
淮鎮支祈故事明時有知仰史基延撫四川奏毀淫祠神女亦在  
毀中有川東道某者執典應心爭之乃復立祠兵燹之後僅存基  
址然靈爽威嚴赫赫猶在岷蜀蜀地

丹砂井

常德郡北百步有丹砂井其水色赤武陵郡民譜云廖平以丹砂  
二千斛置所居井中飲是木以祈延齡抱朴子曰余祖鴻臚令臨  
沅云此縣有民家世壽考後徙去子孫多夭他人居其故宅復奕  
世壽考由是疑其宅井水殊赤掘得所埋丹砂數十斛去其井數  
尺皆丹砂汁因泉入井又云此海蟾翁煉丹處有仙人黃泰常以  
丹砂置井中病者取水服之輒愈井旁舊有耆壽坊後人為符第

善卷山

善卷山堯時善卷讓位避居于此今孤峰絕頂有善卷先生古壇  
及楚望臨睥仰止三古亭旁有白龍井傳有白龍蟠伏于其內與  
山下潭水相通一名枉山其下為枉渚即楚詞所稱朝發枉渚夕  
宿辰陽者也枉渚為善卷先生釣灣其村亦曰善卷村山峯聳秀  
曲渚依流令人有出處之趣託以至此如一地茲遊此則百里平  
疇直趨洞庭矣

茉莉夫人

善卷山之東半里有茉莉竹林中曰茉莉夫人鬼磨傳稱宣鑑  
和尚德山參證時夫以初唐廢教供養夫去其說善遊誕郡乘及  
袁中郎集皆載之查善卷人不無考云云云夫中有摩利天所

稱鬼子母者或云張三命名實為元君二子其人未知孰是

白泥窖 楠木神

洞庭湖白泥窖長十餘里離岸不及尺而舟楫亦不得已  
盪舟膠泥中螺蚌蚌石與鐵釘相雜舟若不能遠以風猛甚倅  
息而過舟人以此有神聖焉不存靈聖之地未個時人力推  
挽行一二日者有之萬頃皆縱橫木形如土子其貌者一入膠泥  
不能復出過此即入楠木窖洞庭天末至建寧里四天陰霾舟行  
黑風濁浪中舟子驚相耳擗勇性焚者已甚及凌初不解其故少  
頃見神木直逼舟旁不及一丈而返遙望課船過之船破賴賈筏  
得救舟子色稍定乃曰此楠木神每遇暴風盡悔輒出游湖中神  
首色沉綠如螺髻往來于神木窖之前後左右終古如斯故稱神

木云

海水中高

數年前隨諸大夫之後議築海堤遂得觀于海海水中高而四垂  
潮來時有黑氣如烟雲者與水相屬先水而至乃憶摩詰潮來天  
地青一語非奇句乃真境也然海水中高之故未得其理以為視  
遠當如此耳及過洞庭四望湖水亦復如是始悟地包于天則其  
體圓圓則山河蕪澤亦隨之而圓所謂宇宙而四垂者地勢如斯  
水者天地中之五岳耳有不為一氣之所包耶向謂水勢平流  
者特未嘗于數百里平瀾處觀其大勢耳蓋天地體之圓因何而  
驗曰試觀各省太陽出地時刻分秒遠近不一其理顯然先儒言  
之詳矣

君山蜃樓

岳州太守包元辰曰：蜃氣九冬成，五月十八日，蜃氣君山側見。蜃氣有樓閣旗幟人物，牛犢無一不備。觀者傾國，雲頌者再乃散。因著君山蜃樓行。

鐵牛 鐵杵

岳州城門左側有鐵牛一蹲，西望，其口若有吞湖之意。想亦五行剋制之理。與滇省銅牛制水之義同。門外砂磧中置鐵杵五，其一較小，不知起于何代。俗稱鐵杵長八九尺，廣五尺餘，厚尺許。度其輕重，每一杵不下萬觔。形如叉字，其交叉處廣二尺，中有圓竅，徑一尺，每叉平分四端，端廣尺許。其兩端復有兩竅，大如杯，製度甚工。其一小杵交叉處無大竅，而旁有小竅四，竟不知何用。

強名之曰杵耳，或以為厭勝辟蛟蜃之類。庶乎近之不然，得非繫舟之具，古人所以備風濤者耶？

黃花地 悶頭花

由漢江陸路沿江東北行，特值二月黃花爛熳，千頃一色。土人謂之黃花地。唯漢上有之，他處所罕見也。漢口蕪水冬溫，至黃澚鋪平岡嫩綠，川原如繡，海上遠望紫花，自以是類。純花少，葉色如江南諸葛菜，桔梗花，妖冶悅目，數百里內皆宜之。是人呼為悶頭花。近之輒頭悶，不止相感，以為不可醫。通此大毒，為老鼠花花，幹皆入藥，春採而蓋之一物，人故以毒藥其心，甚相感。竟至于此。

前川



由黃波出大南門行距城百餘步為三善先生祠伊川先生實生  
于此祠前濠水曰前川即徐先生所處也祠內有龜明他蛙不鳴  
蚊不鼓旱不涸後孫王傳石處一上有碑或為之去遂不驗

栢子塔

麻城九龍山栢子塔唐德宗四年建塔九級覆以鐵鑊鑊旁一栢  
盤根而生每立秋日午塔無影

固始蜃氣

固始大山鋪為吳豫分界即古寂丘也其山又名大別山又名安  
陽山唐兵平蔡嘗屯其上上有白龍池嘗有蜃氣成人馬樓閣狀  
濤雨輒應大山以東屬霍丘矣

優曇花

安寧州溫泉之側有優曇樹一株高數丈六花碧葉相傳西域移  
來不知幾千百年矣居人折其枝百計挿之終無萌蘖余采柔條  
數枝植小盎中未幾一株忽茁數月枝葉宛然土人以為吳自滇  
攜歸登陟數十里歷米雪餐風雨者三閱月竟無恙喜而記之  
滇南在南交昧谷之交唐虞時實通中國夏商周屬徼外為西南  
靡莫之地戰國時莊蹻略地至滇池因至其地統滇國秦通五尺  
道置吏漢武以後乃稱益州真胡山川磅礴神異挺生志乘所載  
詳哉言之矣若夫英靈之氣散為百奇如嶽之種七十有二扶  
桑五色龍同霞綺以及奇花異草未詳其詳不勝紀最後則聞  
大理府有和山花云大理負山在洱山山有靈木為西洱昔阿育  
王始封之地以故釋迦說法大之靈也其靈異莫可殫述靈鷲

之旁為和山是曰上關樹生和之文云云其幹似桂其花  
白每花十二瓣以應十二月過一月一瓣自或開異香芬馥  
非凡花臭味中出一蕊如秤砣以爲心人履種全駐跡會城昆  
明距葉榆千里非公事不得往也夫二書自有赴省投謁者問之  
則曰十年前主僧惡人割取伴食其樹下多歲反枯矣余為之憫  
然居無何聞雲南府志載優曇花在於十王殿內高二十丈枝  
葉叢茂每歲四月花開如蓮有十二瓣開者多一瓣占花多少  
以下歲亦名娑羅樹昔蒙氏樂城特有神僧菩提巴波自天竺  
至以所攜念珠分其一手植之余恍然曰是與和山花何以異哉  
洱海之俗特未知其真名爾急使人至土主廟則久浚兵燹中廟  
亦新構非舊宇久之安寧州太守至盛稱州城之北有溫泉為海

內第一隔岸為曹溪寺寺中有曇花樹來自西域滇省惟此一株  
更無其二余考謝肇淛滇略曰安寧過泉西岸有寺曰曹溪其中  
有曇花樹一株相傳自西域來者扶疎百尺綠葉白花移藥他種  
終不復活合之州守之說相符余乃謂守曰安寧之優曇大理之  
和山土主廟之娑羅樹其花同其色同其枝幹亦同特因其地而  
異其名耳今和山土主廟二本不可復見安寧一株無異曹溪光  
矣壬子夏四月值曇花盛開州守乃馳使折一枝以贈其花葉枝  
幹合之載乘果無異也余笑謂守曰志稱移藥他處終不復活果  
如是則西方祇樹不復傳乎人聞矣夫草木無知之物也然靈根  
異卉未嘗不與善氣相迎于宮州牧一塵不染我為士師終朝脫  
粟其清虛冲澹之氣與世初無冲合與優曇未必無善緣子姑為

我款之太守曰諾乃採桑條百枝流標于大樹之旁三月後太守  
械書報余曰一枝已萌蘖矣余喜甚乃移置盆盎中碧葉爛然一  
根五幹土人驚相誇謂以為奇瑞也十一月余得歸遂昇之  
以歸祀冰雪履木陸者五閱月始抵里枝幹稍凋落乃易盎而植  
之今年春軋茁怒生至夏五驟長三尺此枝翠色已具扶疎之狀  
余喜西來異種無心得植且萬里相隨霜雪不改似與余有善緣  
也者故援筆記之

東還紀程續抄

未至沅州二里有仙人塘江左石壁森秀竹樹青蔥壁上題四字  
似古文篆籀云是仙人所題人莫有識者  
沅州西南五十里為龍標城即唐詩人王昌齡為尉地也即入夜  
即境蓋夜即甚廣由沅至黔皆其地也  
由黔陽六十里至洪江乃鎮遠常德建中之地五方雜處井陌成  
行賈舶至此辦買挽纜口糧俱為步態  
過辰溪縣二十里浦市人烟稠密路犬相聞榜人估客俱停舟買  
舟舟人曰從此而下好山好水處處無不暇矣又十里白崖稍下  
有石壁一帶峭立江右其巖高千尋中多架木為屋參差點綴  
舟行仰望縹緲若神仙之居不知其何從焉是又何從出入相

傳鼎革時人民避去之地建自上下皆有之  
楠木洞負山臨水學界為靈門有大石若屏障石虛其左側以  
通出入相傳昔時避其真者為計後火自焚鮮有免者舟  
稍前見絕壁之上石鏡中有影長尺八寸俗稱仙人所留沉  
香船也洞左有山形如鳥首名瓦片寺特鄉人相驚謂馬口  
食禾遂擊破其口今取茲地寺名  
響水崖石壁連亘宛然城郭眾水出其下其橋洞層次方圓平直  
無一不與人工相肖壁間有罅即構木為房以補之明憲蓬戶  
危梁飛棟無異靈山且宇海上噴樓亭繞仰眺不覺徘徊久之  
古稱五溪者皆隸辰境為辰陽眉目酉溪縉溪武溪辰溪雄溪是  
也酉溪在郡西北二十里小酉山下石穴即小酉妙華洞穆

天子藏異書處溪水出焉合北江而入沅備溪即明溪在郡西  
北一百里武漢古作蕪溪在瀘溪縣西一百五十里辰溪考縣  
志云辰溪源出龍門山歷獨母水北入辰水辰水又經縣北合  
流縣前之沅水則辰溪與辰水早從辰溪縣入沅矣又考沅陵  
縣志云辰水在沅陵縣城東一里流入沅水豈辰水在沅陵不  
從下流入沅復逆流一百四十里會辰溪之水然後入沅耶存  
之以備參考雄溪源出黎平入沅而辰志不載原委蓋  
五溪之水皆入沅故備溪之下十里曰會溪取五溪相會之  
義云  
顧開雍云黔中郡五溪辰志謂雄溪今考靖之會同本黔  
中故地所屬沅江辰黎平下流其為雄溪在焉辰人以非其

所轄之謀已

再考沅江一水為合真登乳通常與舊志云匯出群柯辰志云源出播州有議其未確者且不往經而合之此則源委難稽近考常德新志云沅水出群柯且屬焉又東至鐔城縣為沅水漢鐔城令縣屬焉其水東步中州由將河分夫出諸葛以上述水經大洞下鎮遠府為澧水澧水非始通舟楫也與思州水合經洪江過沅州與黎平水合合又過辰溪與錦水合即麻陽東至藍溪乃辰州與酉水合又東下壺頭經沅望過常德府城南東注龍陽與澧浪水合有漸水一名澹水出漢壽

顏開雍曰考鎮遠以下澧沅二水桑欽氏言沅水出群柯且蘭

縣為旁澧水至鐔城為沅水而酈道元又言無水出故且蘭南流至無陽故縣又東南入沅謂之無口無水即澧水無陽即鐔城桑沂始言沅酈析流言無而皆出于且蘭總一水也不猶澧噴出王屋山伏名流見名濟乎或謂其支於黃平州者抑未矣桃源後洞巨石躡踞江許洞門會其中震轟可然終古長為稍前即桃花溪纜船洲為源即鼓鐘處也王三可至前洞按淵明記云林盡水源便得一山山有小口更近其前後洞也且後洞在大江之濱戰國時楚師入滇以來三為世獨與林盡水源之義不甚相似或好事者為之專說又云蓋出處處誌之後尋向所誌遂迷不復得路蓋無異乎者此不獨後洞之說杳然難稽即今所謂前洞也者亦未詳其代何人於迷途即迷路之後復

水經注卷之六 沅水 沅水出群柯且蘭

表而出之遂致合者名賢身文益出其地山溪草木自非尋  
常境畧故黃河源巖嶺處處雲霧縹緲正中華接種而出又宋史載  
建炎初桃花洞大水湧出一石其文曰無為大道天知人情無  
為窈冥神見人形心官竟慈鬼神人敢犯禁瑞盈地收人魂讀  
之高古簡真必非西縣以下大字由此觀之避秦人也近于仙  
矣

未至常德府十里青泥灣岸有英佑侯廟皆先年商民建立以祀  
蕭公晏公二神皆江西臨江人生有奇相歿後著靈江湖相傳  
蕭為水府靈通英佑侯晏為平浪侯而華容邑乘又稱晏為近  
代人有功江淮間元時封都督今楚中江右舟行者崇祀蕭晏  
如黃河之祀金龍四大王一入蜀江則舟人報賽者又崇祀張

桓侯矣

洞庭夾以東即湖之中央沐日浴月吞江吐霧蓋合九江之水統  
數千里溪洞諸流匯為巨浸范記稱朝暉夕陰氣象萬千已得  
其梗槩而孟襄陽之涵虛混太清杜少陵之乾坤日夜浮二語  
可謂洗盡塵滓形容入妙矣

九江者沅澨酉澨辰沅澧瀆湘禹貢所謂九江孔殷者是也夏秋  
水漲時方八九百里徑三百餘里自牛皮灘至洞庭夾皆與湖  
水相連一望汪洋浩淼無際冬春水涸乃識某洲某壑僅搖水  
淺處泊舟非能藏舟于壑也  
布袋口之名不知起于何時蓋洞庭一湖合九江五瀆之水奔趨  
于此稍下則三湘之水率西南一帶夫流匯為東湖西向入口

與九江水合流過州至城陵磯入于岷江實有括囊之象其名  
俚其義確也

山海經曰洞庭之山帝之二女居之楚辭所謂湘君湘夫人也宋  
元豐間祈禱輒應封其神為淵德侯韓退之亦曰黃陵廟以祀  
堯二女舜二妃始皇南游至湘山遇風幾不得渡問湘君何神  
博士對曰堯女舜妃始皇怒齎其山合此數端而論則洞庭神  
似娥皇女英矣而虞初志載洞庭君少女初與涇陽幼子為妻  
總嫁儒生柳毅則洞庭君者洞庭神也而近世復有柳侯為神  
之說今之司水部受羊豕顏如渥赭以手加額而立者志乘祀  
典皆不詳其原委王逸注九歌云湘君水神湘夫人乃二妃未  
悉何據并存之以備參考

新隄為魚米積聚之地沿江廬舍綿亘十五里有小江通沙湖上  
下洪湖及沔陽仙桃荊州安陸諸路商旅雲集井陌成行余過  
時近元夜老穉少壯各鬪龍燈於江許金鼓喧闐歌呼竟夜豐  
亨之象可想見焉

漢口南數里漢陽府治東渡江即武昌府治十里之內置邸者二  
蓋上當滇黔秦蜀之衝下控左右兩江之要故特於此嚴鎖鑰  
馬

商城古高陽氏封于庭堅于此漢成帝綏和元年封殷後孔伋為  
紹嘉侯平帝時改為宋公今郭西北二里許有商王墓疑即宋  
公墓至道中堯帝諱改殷為商故曰商城楚相孫叔敖埋蛇之  
地也

周封周公子伯齡於蔣戰國屬楚莊王以其地封孫叔敖之子僑  
是為寢丘先武時故為固始縣蔣與寢丘即其地也邑治雞彈  
丸然流寇播亂時獨免屠戮故稱警度焉

淮水從桐柏縣大復山東過信陽又東過潁川之陳信汝水自東  
北來入焉又東過壽春肥水自東北來入焉又東過懷遠由荆  
山塗山之中歷臨淮五河盱眙而匯為洪澤湖出清河口入河  
孟子曰排淮泗而注之江與今之淮河迥異蓋舊淮故道傳聞  
從盱眙出周家閘過高梁澗寶應湖至清水潭由芒稻河入江  
自宋元以來築高家堰導淮出清河口故道久堙蓋欲借淮流  
以距黃河之水使遵北岸而引淮水清流灌入南圻之天妃閘  
則淮揚運道濁河不得入永無積沙之虞且淮黃合流攝沙而

行入海之勢益迅則海口無淤積之患今則河水入淮淮水不  
得出天妃口內河水灌注清流變成濁流而安東一帶又分其  
東注之勢至今五險雲梯入海正道淤沙漸高宜乎衝潰屢告  
也



東荆之蠻至今其劍與韓人燕王前流也滿高直平西都燕去  
許出天出口山阿水節也餘亦聖在誠誠而交東一帶又分其  
一入前之蠻蓋形限前口雖海數之惠今限阿水入鄧鄧水不

粵述

黃山閩叙崔翟輯

廣西楚越之交春秋時越伐吳并有其地北伐齊西伐楚與中國  
爭疆自荆以南皆屬於粵周顯王時楚滅越吳起相楚南并蠻越  
遂有洞庭蒼梧是時越諸邊疆皆屬於楚其後越人散處江南海  
上各為君長有甌越雒越之屬甚蕃故曰百粵以揚州南境又曰  
揚越秦始皇利粵之犀象珠璣乃使尉屠維統五軍監祿鑿渠以  
通糧道殺西甌君譯于末越人皆入叢薄中與禽獸處莫肯為秦  
者陰置桀駿以為將夜攻秦人殺尉屠維秦乃發邊戍備之後王  
剪滅楚乘勝略定揚越為南海桂林象郡粵以東屬南海郡粵以  
西屬桂林郡而處遠思恩太平以達交州俱屬象郡焉秦末趙佗

遂王粵地漢因封之漢考武帝平南越佗孫光降以其地為蒼梧  
鬱林合浦郡屬交壯邕其北為零陵郡屬荆州吳仍漢制分領於  
荆交二州其後析合浦以北蒼梧鬱林郡屬廣州晉以始安臨賀  
屬湘州宋齊因之亦間有增改梁分湘廣之交為桂州迄于陳隋  
州郡因革紛如莫可勝紀唐以其地隸嶺南道後分為嶺南西道  
領州郡三十有二又開拓諸蠻尚落置屬廣州郡數十五代時入  
于南漢宋平南漢以屬廣南西路領州二十府二軍五元改為廣  
西道領路十有五府一州四明分其地為府八土官府四領諸州  
縣後改思恩府為流田州府降為州而憑祥縣歸順尚下雷尚俱  
改為州共領府九轄州十二縣四十六土府二土州三十四土縣  
七長官司四地瘠而險多山林豁尚徭獠諸蠻連絡而居視編氓

蓋十之七東連荆楚山嶠綿亘數百里而桂嶺復岷馬叢立以環  
省城由蒼梧度灘瀧凡三百六十乃至桂嶺其高幾與衡嶽埒北  
臨清湘地始坦平山川深秀西北則祥河夜即居其上將山多險  
峻水益湍急控扼洞落聯屬黔中今貴州其南洞經瀕江以勾漏  
都嶠為勝西南多荒山大澤村洞布獲與龍編接壤大牙相錯龍  
今交源於興安環桂林經平樂至梧是為離江源於廣源今交  
太平南寧至潯州與右江合是為左江一曰源于義利與大理大  
槃水通今雲南經慶遠柳州出大藤峽是為右江即漢至夜即肥  
江東流至梧與離江合流南入海故梧當五嶺三江之會為兩廣  
襟喉形勝重地而綜論方域則東北楚也其氣清淑故其民秀而  
文西南貊也田州太平皆近其氣瘴癘故其民悍而質北益多

說合 粵生

寒故霜雪降焉南益多暑故蒸濕生焉其地東抵湖廣道州界西抵雲南特麼界南抵廣東高州界北抵湖廣武崗界東北抵湖廣永州界東南抵廣東封川界西北抵貴州都勻界西南抵交趾界桂林秦郡也漢為始安梁改桂州唐曰建陵後為靜江軍節度宋置靜江府元改為潯州改桂林府而以湖廣之全州灌陽隸焉領州二曰全曰永寧古田縣改也縣七曰臨桂曰靈川曰興安曰陽朔全之屬曰灌陽故有理定正統間省入永福永寧之屬曰永福曰義寧故有脩仁荔浦弘治間改隸平樂

柳州秦桂林郡地漢屬鬱林孫吳析置馬平郡梁置龍州隋置象州唐貞觀八年改柳州謂地當柳星云天寶初改龍城宋仍為柳州元置柳州路明改府領州二曰象曰賓縣十曰馬平曰柳城曰來賓曰雒容曰羅城曰融曰懷遠象之屬曰武宣賓之屬曰遷江曰上林

慶遠秦象郡地漢交趾日南之界唐曰粵州曰宜州曰龍水郡宋置慶遠軍節度後為府明初以為南丹安撫司仍元舊也尋改府領州一曰河池縣所升也縣四曰宜山曰天河屬州者曰思恩曰荔波

平樂秦桂林郡地漢屬蒼梧孫吳置平樂縣屬之始安唐置樂州尋改昭州天寶初為平樂郡其後仍為昭州元明俱為平樂府領州一曰永安成化間以立山廢縣置也縣七曰平樂曰恭城曰富川曰賀曰荔浦曰脩仁曰昭平為府初置故有龍平後省入平樂梧州秦桂林郡地趙佗據之以封其宗人趙光為蒼梧王漢置蒼

梧州交趾部刺史領之晉曰永寧梁曰梁信唐置梧州宋元仍之  
明改為府領州一曰鬱林縣九曰蒼梧曰藤曰容曰岑曰懷集屬  
州者曰博白曰北流曰陸川曰興業  
潯州漢鬱林郡也治布山縣梁置桂林郡陳改尹州隋改鬱州唐  
改潯州復改潯江郡元置潯州路明改路為府領縣三曰桂平曰  
平南曰貴故有橫州永淳縣後改隸南寧府  
南寧漢之領方縣屬鬱林晉置晉興郡隋曰宣化唐置南晉州尋  
改邕州又改朗寧郡又改建武軍節度宋為永寧軍元為南寧路  
明改為府領州三曰橫曰上思舊土司也曰新寧舊為四崗縣三  
曰宣化曰陰安嘉靖七年新建伯王守仁請置橫之屬曰永淳  
太平漢之麗江交趾郡地晉以後西原蠻獠居之唐為羈縻州隸

邕州都督府宋平嶺南置太平寨元為太平路明政府領州三曰  
左曰養利曰永康縣一曰崇善皆以土司改隸官者

思恩唐州也治澄州止戈縣地宋廢澄蓋以賀水無虞上林後併  
入武緣土官岑氏歷代羈縻明初歸附授思恩知州後陞為府其  
後改設流官領縣一曰武緣舊南寧屬于萬曆初改隸故有鳳化  
縣尋廢

鎮安府在交趾之東界有崗曰鎮安宋置宣撫司元為鎮安路明  
為土府 國朝改土為流設通判一員屬思恩府

土司隸潯州者曰武靖州武化備轄平大麓峽奏設也隸南寧  
者曰思明府曰憑祥州曰下石西州曰憑白縣曰龍州曰忠州曰  
遷隆崗曰果化州曰下雷州曰歸德州曰湖洞寨曰上石西州曰

利州曰江州曰思陵州曰利廿二十一符登太平者曰萬承州曰  
太平州曰安平州曰麗英州曰恩城州曰慈安州曰都結州曰上  
下凍州曰信倫州曰舍茗州曰若盈州曰鏡建州曰思明州曰羅  
陽縣曰院陵縣隸慶遠府者曰南丹州曰東蘭州曰那地州曰忻  
城縣曰永順正副長官司曰未定長官司隸思恩者曰田州曰泗  
城府曰向武州曰奉議州曰歸順州曰都康州曰上映州曰鎮安  
府曰上林縣又九司一堡曰舊城司曰興隆司曰那馬司曰古陵  
司曰都陽司曰下旺司曰安定司曰白山司曰定羅司曰何旺堡  
故有潯州隸思明後沒于交趾近又勸明復舊改隸廣西新置而潯州西林縣  
灘水一曰癸水桂林有古識曰癸水繞東城水不見刀兵  
范成大稱桂山之奇平地崛然千峰特立玉笋瑤簪森列無際為

天下第一即衡嶽廬阜雁蕩黃山仙都巫峽皆所不及今錄其尤  
著者  
獨秀山在桂林城中峭立百仞石磴盤旋而上下有石室顏延之  
守郡時讀書其中所謂未若獨秀者莪莪邗邑間是已  
疊綠山一曰桂山在府城北諸峰相屬綠翠間布其半有崗透出  
山背世謂風洞  
華景山在城西北下有洞為廣數十間屋前有橫塘金波夕麗上  
有卧龍崗祠諸葛武侯  
伏波巖在城東北突起千餘丈東攬初曦下枕江木有洞透出相  
傳焉伏波征交趾過此巖傍巨石刻慈去地一線不合俗云伏波  
試劍石也上有伏波祠葉德題云當是伏波將軍路博德

七星巖在城東距江里許七峰斗列一小峰為輔星其洞曰棲霞  
從山腹入石級百餘得平地可坐數十人有二歧路一西行寬廣  
如通衢高數十丈兩壁石液如雪卓故於地有聲如鼓云其下又  
有洞也半里阻大壑不可進一北行僅入其中尤高廣鍾乳纍纍  
下垂過里許岐益多云通九疑遊人不敢進也巖傍百步有懸風  
洞盛夏凝寒下有冷水巖湖水從石門水源不可窮宋元豐中曾  
布帥桂跨梁其上故又名曾公洞其左曰彈丸山以溪石圓轉名  
之有兩巖皆北向左巖席布九筵巨石倒覆如箕右巖可三室羽  
人栖焉

龍隱巖在七星之南橫巖踞江遊者刺舟石壁下有火洞門高百  
餘丈鼓棹而入仰視洞頂龍跡天矯若印沈然其長竟洞北有巖

曰月牙石登千級半山之中形如初月清泉自山椒下滴琮瑋成  
韻曰滴玉泉石壁上有狄青平儂智高及元祐黨人碑下亦泉也  
屏風巖在彈丸東北二里許平地斷山峭壁之下洞門高廣百丈  
其中坦然可蔽百容仰視鐘乳融結倒垂欲滴者無數礪石磴上  
有穴可出山川城郭廓然無際范成大命其洞曰空明  
離山在城外東南隅離水經其下山立木中故又曰沈水山又曰  
象鼻山以形色似也元常侍梅以音同驪山故曰宜山其麓有水  
月洞天剖洞門透微山背頂高數十丈圓若月輪江水貫之入洞  
如坐捲篷橋下  
離山在城南五里下枕江水劉宋時僧栖顯居之日誦法華經有  
雉常來聽一夕化去因名之有巖曰離巖深在十餘丈其東有山

曰關雞左右騰昂如欲開也四壁削立下插江潭煙翠蔚鬱着衣  
如染有洞曰白龍曰玄巖出洞東南行里許為劉仙巖宋道士劉  
仲達所居也石室窳與上復高爽玉池丹井深不可測西石潭曰  
曲斗合于南溪水面小蓮黃花又名金蓮港  
隱山出城西三里有六洞曰朝陽曰夕陽曰南華曰北牖曰嘉蓮  
曰白雀唐李勣出鎮所闢也周廻相通水此入彼縈紆曲折乍升  
乍降窈與爽迥各極其致舊在西湖中今為平陸矣其北又有洞  
曰南潛曰北潛北潛有石室石臺石果作荔枝胡桃棗栗狀南潛  
乳石纍纍垂地有龍爪跡俗云龍田  
中隱山在城西十里亦名佛子巖巖有三重皆石也其下者最廣  
高百餘丈上新葺末因石屋為一小寺倚牖四望目極天表暝雲

歸鳥皆從下飛

虞山在城北里許左濱灘江舜祠在焉有唐建中磨崖記  
堯山在城東北十五里高廣延袤數十里環柱之山皆石獨此積  
土松檜陰森欲雨則雲烟四合上為堯祠田共有十餘畝曰天子  
田田中石穴泉湧曰玉泉池至夏可溉田數頃今山翦伐無餘  
辰山在城東北十里有三巖下巖初入昏黑行十餘步始明豁其  
石室可坐三十人有扉而嚮下瞰城野綠燈至中巖乳石奇絕又  
至上巖極目無際羣山巒伏溪流帶縈變幻景態不可名狀  
聖水巖在城東三十里夜半則潮上巖日中則潮下巖畧不愆期  
水經注所謂朝夕塘也  
白鹿山在城南四十里唐元康禪師騎鹿隱此石磴數百級至山

腰有小寺寺後奇石環列絕頂有峰危立若將壓焉頓視羣山合脊圍繞青翠襲人

真仙巖在靈川縣西南三里石屋穹窿可容數十人乳花凝結如珠瓔寶蓋

仙隱巖在縣西南十餘里磴道幽黑乘炬可入其中深廣上若石樓過數百步有深潭在側投之以石聲若鳴鉦

華巖洞在縣西南二十里高廣數仞清泉迴繞相傳有桃片潤寸許從洞中流出石壁上有詩云巖前流水無人入洞口碧桃花自開東望蓬萊三萬里等閒歸去等閒來

梵音洞在興安縣西南十餘里石門甚狹中極寬坦石乳下懸巖壁又有石筍石盤泉聲琮琤若鳴鐘磬乳洞與梵音相連有上中

下三洞其中虛明夏涼冬溫清泉噴出觸石有聲左旋十餘步至中洞地勢軒爽有田數畦常有煙霧出石罅屈曲磴級里許至上洞淺水可步乘火入之石乳玲瓏有巨石亘其上又有石柱高十餘丈石皆五色又有石林石室千態萬狀宋李邦彥名其洞下曰噴雷中曰駐雲上曰飛霞草聖巖在縣西十五里前有山寺唐僧雲嶠習草書其中有雲嶠書堂及藤峴池其東曰月山有穴如月石康嶺在縣西周遭八十里麓出藤背泉源散落灌溉甚遠南有雙女廟廟旁巨石突起五丈許曰神石罅裂寸許禱雨則以茅探罅水隨茅出少頃雲合雨至矣

廖仙井在縣南御花村子廖汝家井身數百口飲之皆壽其傍為臨源城



羅漢洞在陽朔縣南二十里一名廣福庵可坐數百人中有護閣  
堂殿兩傍兩舍疊若層金宇石也有羅漢像前有漢橋乳石融結  
如獅象蓮花范成大云陽朔又有巔山白鶴華蓋明珠諸洞  
湘山在全州城西里許峰巒蒼蒼巔洞窟有寺曰光孝唐元和  
中寂照大師住持其中後涅槃馬是為無量壽佛寺後有兩洞相  
通曰穿心巔巔有甲亭延眺千里如在圖畫  
柳山在州北三里舊曰北山宋刺史柳仲塗讀書其中更今名山  
頂有源四時不涸中有飛來石登其巔則千峰萬壑皆在足底宋  
州守林岳建湘山書院前為柳侯祠井中有巨石云乘風雨而入  
昂首如龍

覆釜山在州西八十餘里七十二峰峭嶺峻絕凌逼霄漢有石如

覆釜焉壁立千尋登者攀緣而上頂有天馬佛足諸跡有巔曰聖  
水旱禱輒應

確巖在州北十五里虛明深邃有飛泉百餘丈白練縈紆鳴響深  
越中有石田石乳及佛像蓮臺五彩炫耀洞水貫巖直入深不可

測

九龍巖在灌陽縣西十五里中有沙河水流別洞石藤九枝徑蹇  
蟠屈如龍傍有九龍井

華蓋山在永福縣宋建隆間有鳳赤巢關於朝發之得美玉故名  
鳳巢山其巔有池曰玉液

石魚山在柳州西南水而卓削形如石魚山中有巖曰石魚巖東  
麓有泉雷鳴西奔洄澗中多青鱗異魚

仙奕山在城西南山上有穴穴中有屏有室有宇下有流石如人物什器甚衆磐石黑肌赤脉十有八道可奕  
新洞山在城西南十里有洞高廣可坐百人石孔融結紛成異像傍穴以杖觸之輒作鐘吼

老人巖在融縣西南峰巘削立千仞時有老人拄杖遊憩其上山半巖竇劃然自開高朗軒豁上下皆絕壁登者必自山後捫蘿躡石十步一息乃至其地臨巖頓視毛骨洒淅縱目天表萬山皆在几榻

真仙巖在縣南六里高峰怪石青白相錯溪水穿其中玲瓏清響如環珮白石嵬然天成一老子像故又名老君洞宋咸平中頒太宗御書百二十軸藏於內張孝祥磨崖大書天下第一真仙之巖

葛仙嶺在賓州西有洞深遠可容數百人宋乾道中知州葛翁葺亭其上因名

五峰山在上林縣西峽巒疊聳五峰突起上插霄漢四時雲霧隱見山巔有潭有物蟄焉中夜光燭數里

泊艦山在遷江縣北五里巖洞高敞下枕大江石筍林立江行者咸駐舟觀之故曰泊艦

會仙山在慶遠府城北唐陸禹臣修真之所藥爐丹竈猶在也有洞曰白龍石鱗天矯欲飛傍有青島東砂兩山其觀曰聖壽曰真

武殿曰八仙閣曰高昌井曰玉井

南山在府城南巖洞如屋軒敞透迤中有石龍頭尾鬣鬣悉具因名龍隱前有先化寺御書閣藏宋真宗御書十六軸其左曰白雲

巖

羅山巖在平樂府東八十餘里中有清溪乘筏而入行數百步忽有隙通山端其上坦然可坐數十人避寒者多依之

感應泉在城北宋鄒誥謫昭州居仙宮嶺每苦水遠汲負為勞一日嶺下有清泉湧出因名曰感應泉將此歸數日前泉仍涸穿巖在恭城縣西溪從中出舟行如在月中爽氣逼人

銀殿山在縣東北白雲四時覆其首望之如闕下有鍾乳六十二穿山在富川縣東有仙巖焉岩垂二石以挺撞之其聲一如磬一如鼓蒼藤數根如柱上下蟠之其巔石蓋五色狀如蓮花傍潭深不可測石梁亘其上

石門山在縣東三十里門僅容一人行四面峭壁不可上下其中

則平原廣野居民百餘家

隱山在縣東六十里有巖曰瞻德巖上錫林公石林四大字元豐二年林達夫識

犀泉在縣東北五十里平地石坎深約丈餘長三四丈闊可八尺泉伏其下上覆綠樹下列蒼石人至視之無有也拍手呼之則出不移時而滿旋復消涸如舊冬夏皆然

瑞雲山在賀縣西高千餘仞巖峻蒼蒼舊名龜山唐刺史李印更曰丹甌宋守鄧瑩以山多雲遂改今名上有泉注於池曰仙池天門巖在荔浦縣之上尚黃村江有小洞天如太極圖曰太極巖稍進為拱辰巖廣寒巖其益深處探索靡窮

大山在梧州城南隔江其上有大老中夜獨天傳是南越王尉

佗藏寶劍於此又產靈鹿三尺有文釋則先焉山下有丙穴產嘉魚

水井在府城東南對火山唐大曆三年經略使元結為之銘

都嶠山在容縣南有八峰曰兜子曰馬鞍曰八疊曰雲蓋曰香爐曰仙人曰中峰曰丹竈而八疊尤特秀出有南北兩洞山徑紆迴捫蘿而上其上軒敞廣千餘尺如片瓦鑄成橫眺白雲俱在足下道書自為第二十洞天

朝曠在懷集縣西可八十里初入洞門墮行三百步繼而豁然高廣仰穿岩背石液融結如珠玉乳龍芝蓋人物者無數其後通燕巖洞益開敞蕪菓其間石平如砥可布百席乳花凝垂斷而復續姿態萬狀不可殫述

水月巖在鬱林州東南虛明爽豁石室如琅玕倒垂澗水出巖中湖泮有聲循澗入洞遊必列炬跨木渡水石勢益奇西南為天馬洞有馬蹄跡中益幽邃又有均天洞洞分三界怪石臨潭射擊如作樂

寒山在州城北九域志云越王佗遣人入山採橘十日方回問之曰山中大寒不得歸因名山腰有龍洞禱雨輒應歷代皆賜勅封綠蘿山在博白縣西綠珠生此有祠其下有綠珠井云汲此水者生女美麗

將軍洞在縣南石門三疊飛泉二處一溫一涼石壁刻云南州太守領將軍廳孝泰

銅鼓潭在縣北潭深不測巨石數十丈臨之相傳有銅鼓沒其中

弘治己未縣人得其一送蒼梧制府正德己亥又得其一送縣  
勾漏山在北流縣東北可十五里平川中石峰突起千百植立洞  
在平地不煩登陟巖穴多勾曲穿焉故名前有靈竇觀觀東有龍  
潭泓冽幽閔吟徹毛骨後有太陽穴陰二小洞榜曰勾漏洞天玉  
宸真君及葛真人石像在焉其東曰寶圭洞東燭入半里許至水  
涯循梯直下擊竹筏以行歷甕門數重委蛇水際孟曠益幽又有  
洞曰白砂石骨玉液散彩流光皆并十數皆產砂舊跡也其西曰  
韜真觀層石如重樓後閣溪流映帶觀西為玉田洞玉虛洞巫山  
寨及普照獨秀二巖盤石青蒼積水瑩澈觸目皆非人境  
鐵城山在興業縣南石質黝黑如鐵其中平衍可隱數百家石壁  
繚繞險固如城城有四門惟東可通人行南門有基四丈許相傳

避兵之所上多竇穴泉流不竭其北有巖曰古州高廣數丈中有  
寒潭石壁有元和十四年來遊字  
白石山在潯州府城南六十里其峰曰鶴頸道書目為第二十一  
洞天巖洞宵遠無際相傳通勾漏云有巖曰會仙曰八仙丹竈遺  
跡具存有泉曰嫩王聞鐘鼓聲則湧

羅叢山在城西南有二丈巖東曰碧虛西曰靈源其最深處曰水  
月上出踈光下射泉下寒二程先生讀書遺跡尚存

蘭石山在平南縣西北峰巒聳聳石門流水高若堂與五代梁嵩  
讀書其中  
南山在貴縣南二十四峰蒼翠盤鬱上有巖洞仰視重乳瑰奇萬  
狀旁有石竇遊者俚語列火宛轉攀緣十數里方造其巔巔有石

室方丈爽朗空明指顧四遠賓宣營白四州之山羅布為下相傳  
葛洪於此煉丹丹井丹竈及禮星壇尚存  
東山在縣東明秀挺拔唐何履何光隱於此  
陸公井在縣東南吳營林太守陸績鑿也南漢刺史劉博古種橋  
井旁因名橋井  
寶華山在橫州之南蜿蜒奇拔其上常有寶氣燭天瀑布自山巔  
飛落形如白練  
月林山一曰天窟在州東有石洞洞口有潭產嘉魚洞有二歧多  
怪石鐘乳蟄燕巨蝠至其盡處有窠如軒窓日光透注  
鳳凰巖在州東四十里石壁臨江巖半有翠房房前有臺其後石  
罅直達巖巔空明掩映穿山派口上有迎仙洞三字

金榜山在隆安縣東南石壁四周如城有池有塔有石人石盤姚  
居易榜曰第一洞天

御巖在新寧州西北半山有洞高廣明豁巨石覆之傍有怪石罽  
踞如獅行稍遠益曲邃更進復空闊奇石萬列由隙攀崖流水潺  
潺恍非人境

白雲山在太平府城東連亘如玉屏風巖洞有七而白雲最勝洞  
口懸石扣之作鐘磬聲中夜有佛燈出入洞門光燭數十里下有  
白雲泉

青蓮山在府城北延袤綿亘三百餘里峰巒紛疊青翠相連有巖  
曰青山高濶百餘丈深不可窮石乳懸綴仙蛻委積遊者謂為另  
一洞天

金山在左州西北巖曰通幽奇峰錯峙怪石環列有流霞峰最高  
聳望無際

栢嶺在州南中虛可容百人前有二潭深澈莫測後有臺若佛座  
石乳懸垂蓮華紛綴

傳感山在州東南一水際源奇峰離立阻水則浮槎以渡左右小  
巖無數皆可遊憇臺閣曲房皆架石天成非意想所及

白馬洞在上石西州中幽邃阻水遙望如隔銀河及涉水空明四  
達懸石萬狀不可殫述

逍遙樓桂林府城東北樓也下枕離水面挹堯山夕陽初月爽色  
滿座唐顏真卿題曰逍遙樓石刻猶在至宋紹聖間安撫使程節  
改曰湘南唐人又於城東迤北建三亭曰東山曰拜表曰碧潯按唐

宋之間有登逍遙樓  
詩則名似不始真卿

榕樹門古桂州南門也相傳唐時所築門上植榕一株歲久巨象  
百圍分根下跨盤錯至地若天成馬元至正間忽枯平章唐元公  
祭之復築人以為異上祀漢壽亭侯下瞰蓮波城南有古榕其下  
可列數十席為督學舊署

秦城在興安縣西四十里有秦王廟始皇帝二十三年築以限越  
者遺址石甃尚存其西南亦有越城秦城北二十里有嚴關兩山  
夾峙中容一馬翔雪至此歇止大雪至時桂林不復南矣  
壺城柳州城也三江州合建城如壺故名太平府亦曰壺城關曰  
壺關

夷堅志云昭州郡圃有亭曰天給守李丕以犯金年號易之曰





諸山產石多黑肌白紋滑膩如鏡大者中碑小者為研又有峻峭  
竟立絕巔英德者嶺巖穿編巔大湖者屈曲窪窪哇香隆起若盆  
盎者似荔枝之初刻謂之荔枝盆與安重川山中產猪膏石白可  
為粉奸商載之摻入鹽以售  
思恩荔波二縣界山崩時得異材若杉云是僕諸葛丞相所埋雖  
未必然然亦千百年物也土人每候其地有紫氣上騰羣聚穿土  
即得之堅如牛角入水即沉但薄而短無當漢用  
竹種至繁巨者徑尺可為梁柱又巨者可為鐺釜節相去四尺許  
其他三十餘種斑者亦異有硃砂斑羊眼斑撒雨斑狗蚤斑等名  
虞衡志所載諸香皆出南海粵右絕無產者惟鎮安府有一鑽出  
香草類排草而稍粗左江人取作安息亦雜排草中售之此鑽之

外絕無其種

淡檳榔和萹葉蕪少灰咀之大率與閩廣同檳榔以瓦缶浸令軟  
萹葉小而味薄春夏無葉則嚼其根味亦香辛食之既久唇紅齒  
頰處處吐水石上如一团鮮血乍見駭人  
藤縣有鯖魚入石穴下食青苔其胆可治目疾梧州有嘉魚鱗魚  
桂林有竹魚太平有香魚而鬼魚則出蠻州中似鱷搖擡取而禱  
之食人即死  
山瘠草稀故不宜羊無屠肆也  
及傷力失血神效

宜州洞中產山獼一名種粗性最淫毒山中有此諸牝獸悉避去  
獼無偶抱木而枯其勢挿入木中剖之乃出過婦人則牢抱求合

變丁壯健者挾亦作婦人誑誘其來則扼殺之可為房中要藥土  
人云能解藥箭毒取骨研不傳之一枚直黃金一兩殺者功力差  
緩  
燕巢兩江撞婦皆能製造其法以五月五日聚百毒物於一器聽  
其相食其獨存者毒之尾也持以中人無不立死故有蛇蠱蜥蜴  
蠱蟻娘蠱蜈蚣蠱金蠱諸種類不一今間有之惟彼人能解然  
亦不令人見也

杜詩云五嶺皆炎熱宜人獨桂林以風高無瘴也下至平樂梧州  
及左右江瘴氣彌盛早起氤氳咫尺不相見非至已不見山也其  
瘴春曰青草夏曰黃梅秋曰新禾冬曰黃茅又有曰桂花菊花者  
四時不絕而春冬尤甚唐人諺云青草黃茅瘴不死成和尚滇閩

皆有瘴然春盡乃發秋高而止未聞貫四時也然特宜暖不宜寒  
寒則多病

桂林雖無瘴而苦霖雨自春徂冬十僅一霽故地濕而物易腐屋  
棟皆為蟻蛀四山多霧初至者每苦腹脹如蠱然嚼檳榔乃漸消  
昆錯曰揚粵之地冬陰少陽李特制曰南方地卑而土薄土薄故  
陽氣常泄地卑故陰氣常盛陽氣泄故四時常花三冬不雪一歲  
之暑熱過中人居其間氣多上壅膚多汗出膝理不密蓋陽不反  
本而然陰氣盛故晨昏多露春夏雨淫一歲之間蒸濕過半盛夏  
連雨即復凄寒衣服皆生白黴人多中濕肢體重倦多脚氣等疾  
蓋陰常盛而然陰陽之氣既偏而相搏故一日之內氣候屢變諺  
曰四時皆似夏一雨便成秋又曰急風急着勝如服藥氣故然耳

市日謂之墟赴者謂之趁墟自唐已然柳子厚詩綠荷包飯趁墟人

粵西不毛之地土瘠民貧不事力作五穀之外衣食上取給衝水  
下取給嶺南中人以下之家株守度日而已官署曹掾而下皆短  
衣芒屨或跣着高屐無中禪其人蠢頑者多奸猾者少至於偷盜  
剽掠往往而是抱鼓時起訟牒絕稀

百粵諸蠻醜類至繁然大要不出僮獠兩種皆槃瓠後也僮人椎  
髻跣足衣斑斕布采竹木為屋覆以青茅種禾黍山芋為糧嶺磴  
險阨負戴者悉着背上繩繫於額俛而趨上下若飛兒能行即燒  
鐵石烙其蹠故能履棘茨無傷兒生稱之以鐵如其重漬之毒水  
長火煨以製刀仰刃牛項下以肩負刀一負即殊者良警名編架

弩心一足蹶張鎗名桿鎗長二丈戰則相將而前歲首祭先雜株  
魚肉酒飯於木槽扣槽羣號為禮十月朔祭都貝大王男女連袂  
相攜而舞謂之踏歌意相得則負去樂有阮陂胡蘆笙竹笛之屬  
無食則四出剽掠飄忽往來莫可捕從僮有數種有熟僮生僮白  
僮黑僮生僮在窮谷中不與華通熟僮與土民錯處或通婚姻白  
僮大類熟僮黑僮大類生僮也其也遺與僮雜處風俗略同  
而生理陋簡不編鵝毛藤木為衣與飯糲米而食居室緝茅衡  
板上以棲止下畜牛羊豬犬豕之類獨子大麥獨別欄另娶娶日  
妻即還父母家時與六對合登有娘乃心天作欄又數年延師  
巫結花樓祀聖母親族皆數百千八日就號行三四日夜乃畢  
謂之作星少婦奉時三五為伴於山四處歌唱為樂少婦羣歌

和之竟日以衣帶細繩答而去之。為毒本類相仇。雖  
芥不已。雖累世必復。誤殺者以牛畜為償。數十頭至百頭。曰人頭  
錢。流剗則糾黨羣起。亦有渠長人先盜銀三錢。購其家曰鎗頭錢。  
在山三五為羣。委人於路。在江尖出。擊取貨。愚以求贖。謂之勾  
船。或攻打村屯。據之謂之打地。其人如蠶。吐絲數顆。草木俱可食。  
師與則遠遁。絕焉莫可誰何。獐亦有子。獐熟。攪與生熟。搖相類。又  
有犴獠二種。依山林無首長。故籍射主。食動尺。蟲豸皆生。啖之一  
村中推有勇力者曰即火。餘俱稱木。三四日用米泔沐髮。不聞寒  
暑。婚葬用五行。以雞卜吉凶。樂有六管。笙而脚踏地。而吹。眾歌以  
倚之。又以大木一枝埋地。作獨木樓。高數丈。上覆瓦鋪板。男歌唱  
者。夜則緣宿其上。謂之羅漢樓。器械與獠同。而勇捷過於獠。每出

剗掠。皆冒稱為獠。云舊傳其類有飛頭。鑿齒。鼻飲。白衫。花面。赤禪  
之屬。數種之外。有伶人。狙人。狢人。狢人。蠻人。皆依山谷為生。而不  
甚繁。亦不剗掠。又有蠻人。水居。無土著。捕魚為食。自為婚姻。善沒  
水。取珠。今潯梧有蠻戶。供魚稅。及搜舟之役。又有山子蠻人。無版  
籍。定居。所小種。禽射獸逐。食男女。徒跣。野合。與獸類。又有大良居  
處。服食同獠。而性淳朴。敬慕華人。名則雖泰。禮待甚慈。近為獠所  
殘。破散。入州縣村落。樵採耕種。與漢人無異矣。  
獠種各郡山谷處處有之。熟者耕田。與漢人同。而愚。慧。畏。官  
常為胥。卑。魚。肉。不能自直。其強。饒。者。其。可。驚。跨。無。鞍。馬。謂。之。剗。  
馬。盜。又。曰。土。究。性。不。食。菘。目。惟。紫。黑。芋。芋。芋。土。及。將。牛。骨。漬。水。食。  
丹。鉛。錄。所。載。貴。州。之。貢。鬼。物。也。三。以。牛。肚。埋。地。窟。內。候。客。至。

食之以為上品謂之牛糞其煮即以為皮為釜云兩江谿洞舊為荒服唐太宗時諸蠻為始不為虛也蘇業于都督府以其首領為刺史宋參唐制極其體大者為州小者為縣又小者為崗推首領籍壯丁以藩籬內身其書皆世襲分隸諸寨總隸于提舉其後開拓至五十餘所元多以為首多寄內地其官有知州權州監州知縣知洞等發遣權極重一為謂之主戶民謂之提陀華言百姓也其所掠得婢僕謂之家奴亦曰家丁民之強壯者曰田子田丁亦曰馬前牌總謂之洞丁妻曰婦娘明仍其舊土世官之下餘一二流官佐之削絕者始即縣其地每三年貢馬納價有事則調發其兵量給行糧其兵精者為內甲華言親丁也今惟都結州姓儂傳云智高叛後更易而黃姓尚多如思明府思江向武歸

德思同思明六州上林陀陵羅陽三縣皆是也趙姓則果化思城上下凍鎮遠龍州岑姓則歸順田州恩城泗城武靖利州莫姓則南丹韋姓則東蘭忻城羅姓則那地馮姓則都康佶倫許姓則下雷萬承李姓則太平安平全茗茗盈龍英憑祥張姓則結安閉姓則下石西梁姓則羅白其故絕更代不可知然多山東青州人也龍州趙國樑趙廷楠兄弟爭襲余見其宗譜乃山東益都人其始祖從狄武襄破儂智高因襲世職云

說文僊五聊切南方有僊僊人長三尺短之極从人堯聲風俗通云蠻類有八一曰僊僊或類有六一曰僊戎若然則今徭人蓋蠻戎之種類也又小韻作古丁勿為僊僊來刻不止之貌按說文著其形風俗通辨其族而小韻則言其姓也考書無徭字當以此補

僥義則說文不闕矣

孫獠大約韋莫二姓居孝然不能張弓弩射而已其藥箭甚毒中  
人有至死者其弩林多以棠榆為之而刀亦精製亦頗精山中  
多射鳥獸江邊或射魚鼈杜詩莫獠射雁為秦弓莫獠即獠人也  
解者云莫獠自言其先祖有功常免徭役故以為名恐亦未然設  
如是則韋姓又何解乎但楚中有桑而此地無雁是不同爾

南巢地方係永順宜山所屬內有生孫一種甚為鄰封之害皆姓  
藍氏按竹書紀年仲丁即位征于藍曷得無其苗裔乎

蠻多姓覃漢肅宗時淩中蠻有覃兒建淩中今澧州之慈利縣是  
也河池北境可通楚之綏寧是其苗裔無疑

易繫詞後代聖人易之以書契說文契木約也趙凡夫云古契字

作丰刻其齒分而為券按孫人刻木為齒與人交易謂之打木格  
孫人住屋似樓而非樓蓋茅作兩層內架以竹或版人居其上則  
豬圈牛欄皆在卧榻之下矣按說文家字門下从豕可會此義不  
然則家字从豕既非諧聲從何會意乎

孫人素不著履其足皮皴厚行于稜石叢葦之中一無所損其事  
想自開闢皆然東觀記曰元和十荆州刺史上言行部入長沙界  
觀者皆徒跣臣問御佐曰人無履亦苦之否御佐對曰十二月盛  
寒時並多割裂血出然火燎之春溫或履潰按今不獨孫人百姓  
大半如此無所謂然火潰膿也

孫獠男婦皆蓬首男雖鬚髮止于四旁婦人則以高髻置于頂  
之前畔上覆大笠即史記所謂尉佗懸結者也

孫種交易文書內云如有翻悔與龍角一對或云鳳毛明珠等常  
其妄偶讀漢書板楯蠻傳秦昭襄王時有白虎為害王乃重募  
國中有能殺虎者賞邑萬家金百鎰時有巴郡閬中蠻人能作白  
竹之弩乃登樓射殺白虎昭王嘉之而以其蠻人不欲加封乃刻  
石盟要復蠻人頃田不租十妻不算傷人者論殺人得以贖錢贖  
死盟曰秦犯蠻輸黃金一雙蠻犯秦輸清酒一鐘此蓋有所本也  
賽老者即本地年高習行之人凡里中是非曲直俱向此老論說  
此老一一評之如甲乙俱服即如冰斷不服然後訟之于官當其  
論賽之時其法頗古即列契結甲指乙云某事如何賽老則置一  
州于乙前乙指甲云某事如何賽老又置一州于甲前論說既畢  
賽老乃計州而分勝負按此賽老即廣州記稱到老都老者是也

廣州記曰狸獠鑄銅為鼓鼓以高大為貴而濶丈餘初成懸于庭  
射晨置酒招致同類來者盈門豪富子女以金銀為大釵執以敬  
鼓故竟畱遺主人後漢書馬援于交趾得越銅鼓即是物也又  
隋書地理志諸蠻鑄大銅鼓俗好相殺多構仇怨欲相攻則鳴此  
鼓到者如雲有鼓者號為都老其製高可三四尺有上面而無下  
底其聲亦不甚大名曰諸葛鼓孫人謂是孔明所造今觀東漢時  
已有豈得云諸葛乎想諸葛行軍鼓自是別製而此妄附爾但花  
紋縷細似非近時可能闢有直一二百金者云擊之以除災厲亦  
是偽說

竹筒分泉最是佳事土人往往能此而南丹錫屢統用此法以竹  
空其中百十相接鑄越潤雖三四十里皆可引流杜子美脩水

筒詩雲端水筒坼林表山石碎觸熱藉子脩通流與厨會往來四  
十里荒險崖谷大蓋竹筍延蔓自山而下纏接之處少有線隙則  
泄而無力又其勢既長恐用楛閣或架以竿或墊以石讀此六句  
可謂曲狀其妙矣又贈何處云竹竿最細泉分遠而望之衆筒  
紛交有如亂繩然不目眩難悉其事之巧也

生猿皆棲止山巖每無定居種芋而食種豆易布今歲此山明年  
又別嶺矣然不肯輕出每值東作西成田家婦子盡出壠畝三五  
突至却抱孩幼追之不及者用三五兩贖之不等按此事自古有  
之漢令曰凡不與縣官戰鬪而自以親附送生口者皆與贖直繚  
人四十匹小口半之因知所從來遠矣

古今凡草木之葉皆綠有紅葉者經霜也而本地一種野花葉如

紫蘇而花如丁香開亦老黃色當吐糝時叢包之外先出數葉其

白如粉詢之土人不知何名按白孔六帖有金枝玉葉此花當名

玉葉金花頗亦雅馴

又一種草本葉如棠棣花如真珠五月節開其香幽靜而甜過于  
玫瑰茉莉甚遠土人用以染飯作黃色以供祭祀謂之香飯花以  
形義論之殆即釋氏所云菴芻者邪

石上生一種黃花三四月間倒挂高巖之下遠望如金鋪可喜取  
植軒砌次年仍復璀璨其花宛一小金蓮而蕊際黃絨蒙茸如繡  
其枝幹似木賊而大節間另生枝葉葉如百合兩兩排比枝末又  
生細根如蔥須拖裹節上一似寄生者土人名屈子花余改為金  
蓮花偶讀說文薤字薤音乎互切黃花也从艸薤聲又按薤音圭



靈明黃也玉篇雉亦音圭又毛苗出也以此擬之大似此種恨不起譙周嵇含一論定之  
崑崙關距賓州八十里康熙四年余按士赴南寧發賓州宿思龍驛日行僅四十里次日曠時至關因陟其巔惟雉堞數十岑樓數楹無甚險峻特隘口之足據者耳然由賓至關則山徑逼仄上下崎嶇安得三更宴客五更度關如此其神速耶及修府志乃云一晝夜絕崑崙關至歸仁鋪智高始拒敵武襄喜曰賊不知守此不足慮迺信史也當時序事失實如此抑好事者附會耶先是同事有欲納交趾兵平賊者仁宗將許之以武襄力阻而止世多不傳至陳曙之死蘇長公曾為遺書訟屈武襄尋亦祭之其後有請于朝而贈崇儀使立廟桂林者勝國時復加修葺尤為世所未聞而

武襄或云陝西清澗人或云汾州西河人彼此互異  
七星巖下有壽佛洞者僅容旋馬內有古壽佛石像云土人有見老僧者跡之至此洞得遺像遂異之創為菴楚僧本符號渾融者乃建為棲霞寺起巖經閣其下為靜慧堂旁為聽月亭余有懋賢二字題石而集唐句為聯云白雲迴望合青靄入看無持余官粵西蓋五易表焉矣

桂林城西有慶元伯李姓賀縣人孝穆太后父也后幼入宮得幸明憲宗有娠萬貴妃妬之苦毒萬方投藥下之竟不損遂出外居誕孝宗至六歲貴妃始召入旋暴崩孝宗即位命地方祈司訪求親屬而后入宮時記李為妃故人無應者即有應皆詐冒久之竟不可得但定父母封號立祠春秋致祭而已

桂林府學乃前代宣成書院也其右則為臨桂縣學舊址康熙三年重修因為記刻石于德星門內其右特建傳習堂置齋房康熙丙午令全士鄧增桐永福七胡一以讀書堂後尋經閣下是年鄧得雋胡亦擬元未售其案山歷歷如畫而寓學宮之廊廡者僅一人亦得雋為懷集之盧眉鴻按志舊有泉因波成聯發即名科第泉今縣學遺址有井行汲未知是否

虞山廟不知其所自始宋朱文公張南軒皆有記與祀神樂章其上為南薰亭下為韶音洞歲旱禱而輒應不爽今廟為會城迎饒公所

逆塘巖在南寧府謝村對岸如一所大宅門廡堂室曲折具備內一僧謝村人也年三十餘冥坐巖內夜宿石房僅容偃卧或吹簫

不寐日啖龍荔數十枚豆勺許不火食者三年矣其正殿後有樵子數人宿焉余兩詣巖內親見之贈以香資而去

南寧烟花門恒閉不開傳與柳邊村相對開則不利于村蓋村以酌酒為業至今猶堵塞焉

五公祠在南寧府望仙坡上祀狄武襄青余安道靖孫元規沔蘇忠勇絨王文成守仁也康熙乙巳余至寧訪陽明遺跡如所傳老僧入定者不可得及謁祠見其中列土神肖像亟呼守祠者訊之茫然不知其所謂也因命撤主改立神位憶同特有孔宗旦者為邕州司戶被執罵賊而死乃不與五公之列古今名實乖戾者率如此

柳州府學明倫堂前有松樹一株其上寄生榕樹婆娑如蓋而松

樹反偃蹇蹲伏為所垂蔭太守謂柳州特發寄籍蓋以此云  
柳州府大堂內有一地窟伏行江底從對岸馬鞍山透穴而出俗  
謂楊文廣為賊所圍不能渡江乃穿此出兵反攻賊後余詢太守  
果有穴以石板覆之且云至江底則其下聞刺船聲今無故不敢  
試行攷文廣嘗知宜邕二州與蘇忠勇相後先而行實無考亦  
未聞仕柳州

平樂府昭平縣羅林里有獐婦閉阿陸生于前代嘉靖十二年癸  
巳至 本朝康熙丙午年一百三十四歲子孫曾孫皆故獨一元  
孫扶掖之年已五十餘矣平樂司理吳天朗鑿諭昭平令陳定國  
特致于署人爭遺以簪珥能操漢音善飯殊健其雙眸碧色髮自  
白而黑又自黑而黃齒凡三易友人吳載澄周祚親見之述以詩

其元孫東作時老婦猶為汲飲云 一  
粵西諸山石骨嶙峋絕無樹木意謂兵火使然乃詢之土人質之  
往軼即前代亦復爾爾因憶子厚詩所謂鎖樹重遮千里目豈彼  
時尚蒙茸耶至桂嶺即今之疊綵山在府治北門內其上多桂今  
無一株又山海經云八桂在貴州之東亦不可考唯遠鄉尚有存  
焉桂林之稱名不副實矣貴州名山遊記作番禺謂即羅浮山也  
白石山即道書所謂二十一洞天也唐景龍中貴縣西山有劉三  
妹者與朗寧白雀書生張德望歡酣化石于山巔遺跡宛然至今  
徠俗尚歌因立祠于此祀為歌仙  
粵西獐種數各殊相傳為繫錄苗裔桂林等府俱有繫王廟獐  
獐祀為始祖其土官多韋姓乃韓信子孫也云方呂后擒信時令

人負其幼子求救于蕭何何泣下謂中土不可居乃作書屬南粵尉佗撫之子孫因以章為姓其何書尚存土司余見張和仲燧所輯千百年眼一書曾載此說而鍾堯陵亦附之鑑末第漢法重秦之慘酷彼高祖時蕭何敢與佗通書即存此以資博雅者騰蛟巖在陽朔縣界舟中望之其巖洞僅二三尺及登岸則穹窿如闕內可建十仞之旗屯千軍之窳其上乳花垂結如纓幢巖壁片片層累石紋皆別歷橫坵于粵山另一結撰巖外小山如螺俗名螺嶼窠鶴塘在陽朔界內洞門以水跡為高下春夏可掉艇而入其中石燕秋秋不絕聲人或擊欵則嚮答四應如東坡所記石鐘山也巖頂石乳滴瀝落水中泠泠可聽內一磐石可坐五七人石隙有穴

泉自下湧竄然而深

潯州府貴縣山中出飛虎云間歲一見或攫人首啄食其腦余于潯守處見其皮長尺餘如黃犬形前二足皮特豐潤為翅然其斑紋不似山君一云湖南山中人多緹附崖谷採取木耳或遇飛虎撲繩即斷蓋其翅甚利然不聞食人伏波銅柱一在欽州一在思明其後李唐馬總為安南都護遷桂管經畧觀察使亦立祠在于溪地以昭扶風之裔事載舊志未聞立于何地或欽州思明二處不必皆出于伏波也康熙癸卯安南黎維禧遣使臣阮毅楊皓同存擇率通事羅自人等入貢館于南寧之沙街先是總督廣西邵院于公以高平莫敬耀將入貢行左江道查例僅得勝國特安南嗣子黎維祺入貢疏

稿因做其例以集事後二年巡撫廣西都御史金公屬予纂輯志略并紀入貢事例以備他年參考焉 按交趾貢期舊以三年為率屆期左江巡道先呈 督撫兩院下符檄諭行彼國定期申報左江道先委督貢官一員驗貢官一員移駐太平府受降城及貢使至關委官驗貢查明冊報運至坡 驛距南關三十里會同南太參將并南太府廳調思明府憑祥州龍州土官親帶日兵又調下石思陵龍英忠江等州并遷至尚各土司目兵赴關又移南太參將調兵官二員與龍憑督備及飛 轟營守備調發標兵協同土兵分布各隘道將府廳同至南關恭陳 黃幄于昭德臺率文武漢土各官行禮畢次祭關祭畢發鑰開關以幟引陪臣入關請 幄前行禮諸彝目羅拜關外恭進 表文

迎貢物照前行禮畢隨令彼國官目人等共詣 昭德臺給賞有差彝目領賞出關當差文武職官各一員同貢使進 京其貢物金香爐花餅四副共重貳百零玖兩銀盆一十二口共重六百九十一兩沉香六十觔速香一百四十八觔降真香三十根白木香五十件黑線香八千株白色土絹二百疋犀角二十座象牙二十枝共計護貢官目二十一員名陪臣三員通事一員行人四名隨從一十三名其高平莫敬耀先安南八貢貢物則表箋一通 銅印一顆 抄勅二冊 官兵民數冊二本 紅單一扣 紅單一幅 金葫蘆一箇 重九兩八錢 金鉢一箇 重十兩 銀葫蘆一箇 重八兩 錢 銀鉢一箇 重七兩九錢 多羅一件 交鈺一箇 剪絨二件 交鏡四門 交鎗四件 小鎗四件 交劍二件

免令 粵本

完

交布二件 履月二件 偽印原紅鞋一扣 偽印原紅車一幅

